

堯山堂外紀

堯山堂外紀卷二十七

晉陵蔣仲舒編

唐

顏真卿

字清臣開元中舉進士代宗朝封魯郡公善正草書世實傳之

顏魯公為臨川內史邑有楊志堅者嗜學而貧妻厭之一日告離志堅以詩送之曰平生志業在琴詩頭上如今有二絲漁父向知溪谷暗山妻不信出身遲荆釵任意撩新鬢明鏡從他別畫

眉今日便同行路客相逢卽是下山時妻持詩
詣州請公牒求別醮顏公案其妻曰王歡之廩
旣虛豈遵黃卷朱叟之妻必去寧見錦衣污辱
鄉閭敗傷風俗若無衰賤僥倖者多遂筆之後
無棄其夫者

李泌

字長源七歲能文張九齡呼為小友居
衡岳僧明瓚撥灰中芋以啗之曰領取

十年宰相德宗召拜平章事封鄴侯張子
路嘗誣泌受年震金獅子百枚德宗料是
沙糖獅子果然遂殺子路貞元四年八月
月蝕東壁泌曰東壁調書府大臣當有憂

者吾以宰相兼學士當之矣昔燕國公
張說由是以亡又可免乎明年果卒

開元間明皇悉召能言佛道孔子者相答禁中有
負俶九歲升座詞辨注射坐人皆屈帝異之曰
負半千孫固應爾因問童子豈有類若者乎俶
跪奏有臣舅子李泌方七歲帝卽馳召之泌至
帝方與張說觀奕因使說試其能說請賦方圓
動靜泌逡巡曰願聞其畧說因曰方若棋局圓
若棋子動若棋生靜若棋死說以其幼仍教之

曰但可以應虛作不得更實道棋字必乃言曰
方若行義圓若用智動若聘才靜若得意說因
賀帝得奇重帝大悅

李長源九歲時賦長歌行曰天覆吾地載吾天地
生吾有意無不然絕粒昇天衢不然鳴珂遊帝
都焉能不貴復不去空作昂藏一丈夫彼丈夫
予我丈夫平生志氣多良圖請君看取百年事
業就扁舟泛五湖詩成見者莫不稱賞張九齡

獨戒之後為文不復自揚

李長源賦詩曰青青東門柳歲宴復憔悴楊國忠
訴於明皇謂為譏已上曰賦柳為譏卿則賦李
為譏朕可乎

肅宗嘗夜召穎王等三弟同於第爐剝毯上坐時
李泌絕粒上自燒二梨賜之穎王恃恩固求上
不與曰汝飽肉食先生絕粒何乃爭耶賜以他
果穎王曰先生恩渥如此臣等請聯句以為他

年故事。穎王曰：先生年幾許？顏色似童兒。信王曰：夜枕九仙骨。朝披一品衣。一王曰：不食千鍾粟。惟食兩顆梨。既而三王請上成之上，曰：天生此間氣，助我化無為。必絕粒多歲身輕能行屏風上。引指使氣吹燭可滅。

每導引骨節皆珊珊然有聲。時人謂之鐮子骨。

顧況

字通翁，與柳渾李泌為方外友。况攻小筆，嘗求知新亭監人，詰之曰：余要貌海

中山耳。任職半年，解後落筆有奇趣。

天寶末，宮娥哀悴，不願備宮掖。有落葉題詩隨御

水流云舊寵悲秋扇新恩寄早春聊題一紅葉
將寄接流人顧况間遊得而和之置溝上流云
愁見鶯啼柳絮飛上陽宮女斷腸時君恩不禁
東流水葉上題詩寄與誰既達宸聰由是遣出
禁中者有五使之號焉宣宗朝又有題紅葉隨
流者為盧渥得之又傳
宗時于佑於御溝中拾一紅葉上有詩曰流水
何太急深宮盡日閑殷勤謝紅葉好去到人間
佑亦題一葉置溝上流宮中韓夫人拾之後佑
托韓泳門館值帝放宮女三千人泳以韓氏嫁
佑成禮之夕各於笥中取紅葉相視乃曰事豈
偶然泳開宴慶之曰二人可謝媒矣韓氏作詩

曰一聯佳句隨流水十載幽思滿素懷今日却
成鸞鳳侶方知紅葉是良媒今傳奇有流紅記
顧況志尚踈逸時宰柳渾招以好官況以詩答曰
四海如今已太平相公何事喚狂生此身還似
籠中鶴東望滄溟叫數聲後吳中皆言況得道
解化去

李鄴侯好尚仙道雖為輔相頗有靈異事顧況師
事之得服氣法能終日不食西遊長安鄴侯一
見如故識待以殊禮及鄴侯卒況感其知作海

鷓鴣詠以寄懷云。萬里飛來為客鳥。曾蒙丹鳳借
枝柯。一朝鳳去梧桐死。滿目鴉鳶奈爾何。遂為
權貴所疾。貶饒州司戶。

顧況暮年一子名非熊。長慶中登第。初況喪子年
已七十。況追悼哀切。乃吟曰。老人喪愛子。旦暮
哭成血。聲逐斷猿悲。跡隨飛鳥滅。老人已七十
不作多時別。每吟此句輒長號而絕已。而妻復
生一子。命名非熊。四五歲卽能自念此詩。况問

其故曰吾卽亡兒也每於冥司聞念此詩心殊不忍故哀叩冥司仍爲父兒耳

李源

怪之子以父死王難不仕居洛陽

沙門圓澤寓洛陽慧林寺與李源善一日相率遊峨眉源欲自荊州溯峽往澤欲由長安斜谷源以父絕人事不欲復入京師澤不能強遂發荊州舟次南浦見婦人錦襦負嬰而汲澤望而泣曰所不欲由此者爲是也源驚問故僧曰婦人

孕三稔矣。遲吾為子。今見之。無可逃者。三日浴。
兒顧公臨顧。以一笑為信。後十三年。杭州天竺
寺。當與公相見。至暮。僧果亡。婦乳三日。源往視
之。兒見客。卽軒渠而笑。李後如期。自洛之吳。赴
其約也。於天竺寺葛洪井畔。聞牧童扣牛角而
歌曰。三生石上舊精魂。賞月吟風莫要論。慚愧
情人遠相訪。此身雖異性常存。李曰。澤公健否。
答曰。李君信士。然世緣未盡。且勿相見。唯勤修。

不情乃復相見又歌曰身前身後事茫茫欲話
因緣恐斷腸吳越江山尋已遍好田烟棹上瞿
塘遂隱不見源至穆宗長慶初年八十猶存

秦系

字公緒會稽人有詩名于天寶間後隱
南安九月山自號東海釣客南安人號

共峯為
高士峯

秦公緒與劉長卿善時以詩酬唱權德輿曰長卿
自以為五言長城秦處士用偏師攻之雖老益
壯系嘗呈韋蘇州云久臥雲間已息機青袍忽

著狎鷗飛詩興到來無一事郡中今有謝元暉
韋答系云知掩山扉三十秋魚鬚翠碧滿牀頭
莫道謝公方在郡五言今日為君休蓋以五言
得名久矣

秦系家剡山向盈一紀大曆中人或以其文聞於
留守薛公無何奏系右衛率府倉曹參軍以疾
辭免因將命者獻詩云由來那敢議輕肥散髮
行歌自採薇逋客未能忘野興辟書今遣脫荷

衣家中匹婦空相笑。池上羣鷗盡欲飛。更乞大賢容小隱。益看愚谷有光輝。

元載

字公輔。造芸輝堂。芸香草也。白如玉。入土不朽。為屑以塗壁。設紫綃帳。凝冬風。

不入盛夏。自清涼。有紫龍髯拂色如闌檻。刺水晶為柄。置於室中。夜則蚊蚋不敢入。拂之有聲。雞犬無不驚。逸大曆末。賜自盡。籍其家。鍾乳五萬斤。黃金五索。駝胡椒八百斛。載謁主官乞快。或主者曰。相公今日受此汚泥。不怪也。乃脫襪襪塞其口而終。

王忠嗣鎮北京。以女韞秀歸元載。歲久見輕。韞秀勸之遊學。元乃遊秦。為詩別韞秀曰。年來誰不

厭龍鍾雖在戾門似不容看取海山寒翠樹苦
遭霜霰到素封。韞秀請偕行賦詩曰路拂饑寒
跡。天哀志氣人。休零別離淚。攜手入西秦。

元載到京屢陳時務合旨擢拜中書韞秀寄諸姨
妹詩曰相國已隨麟閣貴。家風第一右丞詩。笄
年解笑鳴機婦。耻見蘇秦富貴時。元肅代兩朝
宰相貴盛無比復為一篇以喻之曰楚夢燕歌
動畫梁。更闌重換舞衣裳。公孫開館招佳客。知

道浮雲不久長。

代宗以庶務畢委宰相元載專政益亂國典非良
金重寶趙趙左道不得出入於朝廷及常袞為
相雖賄賂不行而介僻自尊失於分別是時京
師語曰常無分別元好錢賢者愚愚者賢

元載末年納薛瑤英為姬處以金線帳却塵褥衣
以龍銷衣載以瑤英體輕不勝重衣於異國求
此服也惟賈至楊炎雅與載善時得見其歌舞

至贈詩曰舞怯珠衣重笑疑挑臉開方知漢武
帝。虛築避風臺。炎亦作長歌褒美之略曰雪面
澹娥天上女。鳳簫鸞翅欲飛去。玉釵碧翠步無
塵。楚腰如柳不勝春。

大曆九年春元載早入朝有獻文章者令左右收
之此人苦欲載讀載云候至中書當為看此人
言若不能讀請自誦誦畢不見詩曰城南路長
無宿處秋花紛紛如柳絮海燕銜泥欲作窠空

屋無人却飛去載後竟破家妻子被殺云

元被誅上

令王氏入宮數曰二十年太原節度使女十六年宰相妻誰能為長信照陽之事反亦幸矣京兆答

覽

楊綰

字公權華州人性沉靜獨處一室左右圖書不好立名

楊綰四歲時嘗因夜宴客舉令各舉坐中一物以四聲呼之衆皆未言綰應聲指鐵樹曰燈盞柄曲聞者歎服

袁德師

給事中高之子九日出鮓謂坐客曰某不忍契請諸公食俛首久之高即

不草盧
把制者

袁德師嘗於東都買得婁師德故園地起書樓洛
人語曰昔日婁師德園今乃袁德師樓

張志和

字子同自稱烟波釣叟著玄真子亦
以自號陳少游表其居曰玄真坊門
阻流水無梁少游
為構之號大夫橋

肅宗嘗賜張志和奴婢各一人玄真配為夫婦一

名漁童一名樵青人問其故答曰漁童使捧釣
收綸蘆中鼓枻樵青使蘇蘭薪桂竹裏煎茶

志和

酒酣為水戲。鋪席於水上。獨坐飲。
酌嘯詠其席。來去遲速如刺舟聲。

張志和謁顏真卿於湖州。真卿以舟敝漏。請更之。
志和曰。願為浮家泛宅。往來荅雪間。嘗撰漁父
歌云。西塞山前白鷺飛。桃花流水鱖魚肥。青簑
笠。綠簑衣。斜風細雨不須歸。又云。釣臺漁父褐
為裘。兩兩三三舴艋舟。能縱棹。慣乘流。長江白
浪不曾憂。又云。雪溪灣裏釣漁翁。舴艋為家西
復東。江上雪。浦邊風。笑著荷衣不嘆窮。又云。松

缸蟹舍主人歡。菰飯蓴羹亦共食。楓葉落。荻花
乾。醉宿漁舟不覺寒。又云青草湖中月正圓。巴
陵漁父棹歌連。釣車子。掘頭船。樂在風波不用
仙。

陸鴻漸嘗問張志和孰為往來志和曰太虛為室
明月為燭與四海諸公並處未嘗少別也何有
往來

陸羽

竟陵僧於水邊得嬰兒育為弟子稍長
自筮得漸辭曰鴻漸于陸其羽可用為

儀乃姓陸氏名羽字鴻漸一名疾字季疵
與釋皎然為縑素忘年之交隱苕溪自稱
桑苎翁或獨行野中徘徊不得意卽慟哭
而歸人謂今時接輿於江湖稱竟陵子在
號東西幕府自號東園先生

陸鴻漸少事竟陵禪師師去世作寄情歌云不羨
黃金壘不羨白玉杯不羨朝入省不羨暮入臺
千羨萬羨西江水曾向竟陵城下來

陸鴻漸與常伯熊皆精茶理御史李季卿宣慰江
南至臨懷縣館或言伯熊善茶季卿請為之伯

熊著黃帔衫烏紗憤手執茶器口通茶名區分
指點左右刮目茶熟李為歡兩杯既到江外又
有言鴻漸者李公復請為之鴻漸身衣野服隨
茶具而入如伯熊故事李公心鄙之茶畢命拏
取錢三十文酬博士鴻漸風遊江湖通狎勝流
及此羞愧遂著毀茶論鴻漸採越江茶使小奴
子看焙奴失睡茶燬樂
鴻漸怒以鐵繩縛奴投火中嘗著茶經三卷後
鬻茶之家祀為茶神儀真李秀卿至維揚逢鴻
漸命一卒入江取南冷水及至陸以杓揚水曰
江則江矣非南冷臨岸者乎既而傾水及手陸

又以杓揚之曰此似南泠矣使者齎然曰某自
南泠持至岸偶覆其半取水增之真神監也五
一代時何子全言前世或駿逸者為馬癖泥貫索
者為錢癖耽於子息者為爹兒癖耽於褒貶者
為左傳癖此叟溺於茗事將何以名其癖楊粹
仲曰茶至珍蓋未離乎草也草中之甘無出茶
上者宜追目陸氏為甘草癖沙門福全無注湯
幻茶成一句詩次乎湯面並點四甌其一絕句
檀越日造門求觀湯數全自詠曰生成蓋裏水
丹青巧盡工夫學不成却笑當時陸鴻漸煎茶
贏得好
各盤

僧皎然

姓謝氏字清晝靈運十世孫也居吳興行山顏真卿為刺史集文士撰韻

海皎然預焉同時會稽靈徹姓湯氏字澄源皎然薦之包信字紆以是上人之名由

二公
而興

皎然與李萼顏真卿張薦諸人戲聯樂語李萼倡
云苦河旣濟真僧喜。顏真卿云新知滿座笑相
視。皎然云戍客歸來見妻子。張薦云學生放假
偷向市。又戲聯醉語劉伶白云逢糟遇麴便酩
酊。顏真卿云覆車墮馬皆不醒。皎然云倒著接
羅髮垂領。燕羽云狂心亂語無人並。又戲聯曉
語李萼云拈鉗舐指不知休。顏真卿云欲炙侍

立。涎交流。皎然云。過屠大嚼。肯知羞。張薦云。倉
店門外。強淹留。又戲聯滑語。頗真。卿云。雨裏下
山。踏榆皮。皎然云。莓苔石橋步。難移。劉伶白。云
蕪羹醬醋喫。煮葵。李寧云。縫靴蠟線。油塗錐。李
益云。急逢龍背。須且騎。

皎然又嘗與諸人聯遠意句。一人云。家在炎洲往
朔方。一人云。豈知于闐望滿湘。一人云。曾經隴
底復遼陽。皎然云。更應東去採扶桑。一人云。查

客三年路未央。一人云燭龍之地無日光皎然。
云將遊莽蒼窮大荒。一人云車轍馬迹逐周王。
聯暗意句一人云斜風飄雨三十夜。一人云鄰
女餘光不相借。皎然云跡滅塵生古人畫。一人
云洞房重扉無隙罅。一人云燭滅更深月西謝。
聯恨意句一人云同心同縣不相見。一人云獨
採蘼蕪詠團扇。皎然云莫聽東鄰搗霜練。一人
云遠憶征人淚如霰。一人云長信空堦春草遍。

一人云明妃初別昭德殿

皎然志行高潔答女冠李季蘭詩云天女來相識

將花欲染衣。禪心竟不起。還捧舊花歸。

季蘭名格五六

歲時其父抱於庭中作詩詠薔薇云經時未架却心緒亂縱橫父志曰此必失行婦也竟如其言

靈徹與劉夢得友善夢得送僧仲端東遊末句呈
徹云一旦揚眉望沃州自言王謝許同遊憑將
雜意三千首。寄與江南湯惠休。

元和中韋丹帥江西有政績與東林靈徹為忘形
之契丹嘗為思歸絕句寄徹云王事紛紛無暇
日浮生冉冉只如雲已為平子歸休計五老巖
前必共聞徹奉酬詩曰年老身閑無外事麻衣
草坐亦容身相逢盡道休官去林下何曾見一
人

杭州靈隱寺僧道標經行外尤練詩章時與清晝
靈徹酬唱通作笙簧故人諺曰雪之晝能清秀

越之徹洞冰雪杭之標摩雲霄

皎然一日嘗於舟中杼思作古

體十數篇求合韋蘇州韋大不喜明日獻其舊製乃極稱賞云何不但以所工見投而猥希老夫之意人各有所得非卒能致皎然大服其鑒裁之精

堯山堂外紀卷二十七終

堯山堂外紀卷二十八

晉陵蔣仲舒編

唐

劉長卿

字文房終隨州刺史每題詩不言其姓但長卿而已皇甫湜云詩未有劉

長卿一句已呼宋玉為老矣語未有駱賓王一字已為宋玉為罪人矣其名重如此

劉長卿與皇甫曾友善曾過長卿碧澗別業詩云

謝客開山後郊非出去通江湖十年別衰老一

樽同反照寒川滿。平田暮雪空滄洲。自有趣不
復泣途窮。長卿和云。荒村帶晚照。落葉亂紛紛。
古路無行客。寒村獨見君。野橋經雨斷。澗水向
田分。不為憐同病。何人到白雲。

盧員外綸作擬僧之詩。僧清江作七夕之詠。劉隨
州有眼作無眼之句。宋雍無眼作有眼之詩。詩
流以為四寶。盧詩云。願得遠公知。姓字焚香洗
鉢過。餘生清江詩曰。唯愁更漏促。離別在明朝。

劉隨州曰細雨濕衣看不見。閑花落地聽無聲。
雍詩曰黃鳥不堪愁裏聽。綠楊宜向雨中看。

女冠李季蘭與諸賢會集。烏程開元寺。知劉長卿
有陰重疾。戲之曰。山氣日夕佳。長卿對曰。衆鳥
欣有托。舉坐大笑。以為美談。

李穆劉長卿之壻也。詩寄劉云。處處雲山無盡時。
桐廬南望轉參差。舟人莫道新安近。欲上潺湲
行自遲。時劉在新安郡。荅詩云。孤舟相訪至天

涯萬轉雲山路更賒。欲掃柴門迎客遠。青苔黃葉滿貧家。

韋應物

道遙公之後少以三衛郎事玄宗。泰縱不羈。後折節讀書。終蘇州刺史。

建中初。韋應物刺滁州。題西澗詩云。獨憐幽草澗。

邊生。上有黃鸝深樹鳴。春潮帶雨晚來急。野渡。

無人舟自橫。

宋王榮老嘗渡江。七日風作。不得濟。父老曰。公舟中必有奇異。此江。

神極靈。當獻之。得濟。榮老以玉麈尾。端石硯等物獻之。皆不驗。夜卧。念有黃魯直草書扇頭題。幸此詩。公取獻之。香火未收。天水相照。如兩鏡對展。南風徐來。一鉤而濟。

貞元初韋應物自蘭臺郎出為和州牧頗不得志
夜泊靈壁驛舟中忽聞笛聲嗟嘆良久韋公洞
曉音律謂酷似天寶中梨園法曲李暮所吹者
遂召其人問之乃李暮外孫許雲封也雲封曰
某任城人天寶初東封駕次至任城外祖聞某
初生相見甚喜乃抱詣李白學士乞撰令名李
公方坐旗亭命酒握管醉書某胸前曰樹下彼
何人不語真吾好語若及日中烟霏謝成寶外

祖不解所書之語李公曰樹下人是木子木子
李字也不語是莫言莫言暮字也好是女子女
子外孫也語及日中是言午言午是許也烟霏
謝成寶是雲出封中乃是雲封也卽李暮外生
許雲封也後遂名之某纔十齡頗知音律外祖
教以橫笛每一曲成必撫皆賞歎值梨園法部
置小部三十餘人皆十五以下貴妃誕辰上命
小部樂長奏新曲未有名會南海進荔枝因以

曲名荔枝香左右歡呼聲動山谷其年安祿山
叛自後俱逢離亂漂流南海近四十載矣韋公
曰我乳母之子嘗於天寶中受笛舊吹之笛卽
李君賜也遂囊出舊笛雲封撫而觀之曰信是
佳笛但非外祖所吹者乃謂韋公曰竹生雲夢
之南鑿在柯亭之下以今年七月望前生明年
七月前伐過期不伐則其音窒未期而伐則其
音浮浮者外澤乾乾者受氣不全氣不全則其

竹天凡發揚一聲出入九息古之至音一疊十二節一節十二敲其已天之竹遇至音必破所以知非外祖所吹者韋公曰欲旌汝鑒笛破無傷雲封乃捧笛吹六州遍一疊未盡驤然中裂韋公驚嘆久之遂禮雲封於曲部

韋應物赴大司馬杜鴻漸宴二妓侑觴韋醉吟一絕云高髻雲鬟宮樣粧春風一曲杜韋娘司空見慣渾閑事斷盡蘇州刺史腸及退宿驛亭醒

見二妓在側憺問之乃對曰郎中席上賦詩司空因令侍寢復問能記詩否一妓誦之韋大笑或以為劉為錫事

錢起

字仲文與郎士元俱以詩名士林語曰前有沈宋後有錢郎凡公卿出牧奉使

二人無詩祖行衆以為耻

錢起夜宿驛舍聞窓外有誦聲云曲終人不見江上數峯青起怪之至天寶十載就舉座主李暉試湘靈鼓瑟詩遂賦曰善鼓雲和瑟常聞帝子

靈馮夷徒自舞。楚客不堪聽。雅調懷金石。清音
發杳冥。蒼梧來暮怨。白芷動芳馨。流水傳湘曲。
悲風過洞庭。至落句意。又不屬忽憶所聞驛舍
二句以結之。試官李暉曰。神句也。遂中首選。

李端

趙州人。李嘉祐之
姪。終杭州司馬。

李端與韓翎錢起盧綸等文詠唱和。馳名都下。號
大曆十才子。郭尚父少子璵尚代宗昇平公主。
賢明有才思。尤喜詩人。而端等十人多在暖門。

下每宴集賦詩公主幃而觀之端中宴詩成曰
青春都尉最風流二十功成便拜侯金鉅聞雞
過上苑玉鞭騎馬出長秋薰香荀令偏憐少傳
粉何郎不解愁日暮吹簫楊柳陌路人遙指鳳
凰樓主大喜命以百縑賞之錢起曰李校書誠
有才此篇乃其宿構願賦一韻正之請以起姓
為韻端卽裂綵而獻曰方塘似鏡草芊芊初月
如鉤未上弦新開金埒教調馬舊賜銅山許鑄

錢楊柳入樓吹玉笛。芙蓉出水妬花鈿。今朝都尉如相許。願脫長裙學少年。錢起等咸稱其妙。絕暖出金馬名帛為贈。

韓翃

字君平

韓翃少負才名。隣居有李姓者。每將妓柳氏至其居。必邀韓同飲。既久。愈狎。柳每以隙壁窺韓所往來。語李曰。韓秀才甚貧。然所與遊皆名人。是必不久貧賤。李深領之。一日具饌邀韓。酒酣謂

韓曰秀才當今名士柳氏當今名色以名色配
名士不亦可乎遂命柳從坐接韓未幾成名從
辟淄青置之都下連三歲不果迂寄詩曰章臺
柳章臺柳往日依依今在否縱使長條似舊垂
也應攀折他人手柳答曰楊柳枝芳菲節可恨
年年贈離別一葉隨風忽報秋縱使歸來不堪
折後果為番將沙吒利所劫翹會入中書道逢
之謂永訣矣是日臨淄大校置酒疑翹不樂具

告之有虞侯將許俊以義烈自許卽詐取得之以授韓時沙吒利寵殊等翊懼禍訴於侯希逸希逸以事聞諸朝詔柳氏歸棚

韓君平後為夷門幕屬時已遲暮殊不得意多辭疾在家一日夜將半客叩門急韓出見之賀曰員外除駕部郎中知制誥韓愕然曰誤矣客就座曰邸報制誥闕人中書兩進名御筆不點出又請之曰與韓翃時有同姓名者為江淮刺史

又具二人同進御批曰春城無處不飛花寒食
東風御柳斜日暮漢宮傳臘燭青烟散入五侯
家與此韓翃客曰此非員外詩耶韓曰是也是
不誤矣

德宗西幸有神智騃如意騷二馬謂之功臣一日
有進瑞鞭者上曰朕有二駿今得此可謂三絕
因吟韓翃觀調馬詩云鴛鴦赭目齒新齊曉日
花間放碧蹄玉勒乍迴初噴沫金鞭欲下不成

嘶。

李益

字君虞世稱李十郎少有痴病而多猜忌防閑妻妾過為苛酷每夜散灰扃戶

時謂

妬癡

李君虞以禮部尚書致士有宗人庶子同名俱出

於姑臧時人謂尚書為文章李益庶子為門戶

李益而尚書亦兼門地焉嘗姻族間有禮會尚

書歸笑謂家人曰大堪笑今日局席兩箇坐頭

總是李益

李君虞長於歌詩每作一篇為教坊樂人以賂求
取唱為供奉歌詞其征人歌早行篇好事者盡
為圖障其歌曰回樂峯前沙似雲受降城外月
如霜不知何處吹蘆管一夜征人盡望鄉

李君虞嘗為幽州劉濟營田副使獻詩云草綠古
燕州鶯聲引獨遊鴈歸天北畔春盡海西頭向
日花偏落馳年水自流感恩知有地不上望京
樓時以為怨望左遷右庶子年且老門人趙宗

儒自宰相罷免年七十餘益曰此吾為東府所
選進士也聞者憐之

閻濟美

大曆中間濟美下第將出闕獻座主張謂詩六韻
曰蹇諤王臣直文明雅量全望爐金自躍應物
鏡何偏南國出沉畫東堂禮樂宣轉令游藝士
更惜至公年芳樹歡新景青雲泣暮天唯愁鳳
池拜孤賤更誰憐謂覽之問失第之因乃曰所

投六韻必展後效明年濟美自江東繼薦就試
東都謂後主文雜文已過繼欲帖經濟美辭以
不能謂曰禮闈故事亦許作詩續帖遂命天津
橋望洛城殘雪題濟美曰新霽洛城端千家積
雪寒未收清禁色偏向上陽殘旣而日勢已晚
詩未就謂曰據見在將來一覽稱賞遂唱過盧
景莊謂曰前天下試蜡日祈天宗賦以魯丘對
衛賜則子貢也乃作駟字誤矣方悔之明日謂

曰天寒急景諸君文卷不成未可以呈宰相請
重送納既而索舊卷則駟字上朱點在馬易卷
之意盖有在也

竇叔向

字遺直常哀為相用為左拾遺諸子
常牟群庠罕皆有詩名號竇氏五龍

為聯珠集義取
兄弟若五星然

竇叔向謝寒食賜恩火云恩光及小臣華燭忽驚
春電影隨中使星輝拂路人幸因榆柳煖一照
草茅貧又謝端午日恩賜百索云仙官長命縵

端午降殊私。事盛蛟龍見。恩深犬馬知。餘生儻可續。終冀荅明時。

竇常任武陵寒食日。次松滋渡先寄劉員外云。杏
花榆莢曉風前。雲際離離上峽船。江轉數程淹
驛騎。楚曾三戶少人烟。看春又遇清明節。笑老
重經癸巳年。幸得佳山當郡舍。在朝常詠卜居
篇。

竇群初為處士。隱毘陵。韋夏卿以丘園茂異薦之。

不報至夏卿尹京復薦方拜拾遺御史群初入
諫司喜家室至賦詩曰一旦悲歡見孟光十年
辛苦伴滄浪不知筆硯緣封事猶問傭書日幾
行。

馬燧之子暢以第中大杏餉實文場文場以進德
宗德宗未嘗見怪之令中使封杏樹暢懼進宅
為奉誠園實年在其地聞笛賦詩云曾絕朱纓
吐錦茵欲披荒草訪遺塵秋風忽灑西園淚滿

目山陽笛裏人

上陽宮在東都洛城外武后嘗居之寶庫為東都
判官時賦詩云愁雲漠漠草離離太掖勾陳處
處疑薄暮毀垣春雨裏殘花猶發萬年枝

寶鞏嘗從軍有別家詩云自笑儒生着戰袍書齋
壁上掛弓刀如今便是征人婦好織迴文寄寶
鞏

寶鞏悼妓東東云芳菲美艷不禁風未到春殘已

陸紅惟有側輪車上鐸耳邊長似叫東東

冷朝陽

錢起韓翃同
時人有詩名

潞州節度薛嵩有青衣善彈阮咸琴手紋隱起如
紅線因以名之一日辭去冷朝陽為詞曰採菱
歌怨木蘭舟送客龜銷百尺樓還似洛妃乘霧
去碧天無際水東流

戎昱

京兆尹李肇欲以女
妻之令改姓昱辭焉

戎昱守零陵妓籍中有善歌者襄帥于公頓慮索

之星乃遣行比至今歌乃星送妓詞也其詞曰

寶鈿香蛾翡翠裙粧成掩泣欲行雲殷勤好取

襄王夢莫向瑤臺夢使君于公曰大丈夫不能

立功業為異代所稱豈可奪人愛姬為已之娛

遂贈以帛送歸零陵

鄭太穆為金州刺史日致

一葉之影即是濃陰

減四海數滴之泉便為膏

澤于公覽書曰鄭使君

所須各依來數一半以

戎費之際不全副其本

望也又有崔郊秀才者

寓居漢上蘊積文藝而

物產罄縣無何與姑婢

通其婢端麗饒音佻漢

南之最姝也姑貧窶婢

于連帥連帥愛之以類

無雙給錢四十萬寵貯

彌深刻思慕無已卽強親府署顧一見焉其婢因寒食果出值郊立於柳陰馬上贈詩曰公子王孫逐後塵綠珠垂柳滴羅巾侯門一入深如海從此蕭郎是路人或有妓郊者寫詩於座于公觀詩令召崔生及見郊握手曰侯門一入深如海從此蕭郎是路人便是公製作也四百千小哉何惜一書不早相示遂命婢同歸

韓晉公鎮浙西戎昱為郡刺史郡有妓美而善歌公召置籍中昱作詩以遺之曰好去春風湖上亭柳條藤蔓繫人情黃鶯久住潭相識欲別頻啼四五聲妓既往首唱是詞韓公曰使君於汝

寄情乎對曰然贈百縑而遣之歸

憲宗朝北狄頻寇邊大臣奏議古者和親有五利而無千金之費帝曰比聞一士子能為詩而姓名稍僻是誰宰相對以包子虛冷朝陽皆非也帝遂吟曰山上青松陌上塵雲泥豈合得相親舉世盡嫌良馬瘦唯君不棄卧龍貧千金未必能移性一諾從來許殺身莫道書生無感激寸心還是報恩人侍臣對曰此戎昱詩也帝悅因

又誦其詠史一篇漢家青史內計拙是和親社
稷歸明主安危託婦人豈能將玉貌便欲靜胡
塵地下千年骨誰為輔佐臣誦畢笑曰魏絳之
功何其懦也大臣迷息和戎之論

韋臯

有胡僧見之曰此子乃諸葛武侯後身
今降生將為蜀門帥且造蜀人之福韋
氏異其言因
以武侯字之

韋臯少遊江夏止姜使君館有小青衣曰玉簫纔
十許歲常令侍臯年稍長乃與韋狎臯後告別

與約後會因留玉指環一枚并詩寄情云黃雀
卸來已數春。別時留解贈佳人。長江不見魚書
至。為遣相思夢入秦。逾八年不至玉簫嘆曰韋
家郎不來矣持環絕食而殞姜氏愍其節操以
玉環著於中指而同殯焉後韋鎮蜀到府三日
詢姜玉簫何在姜曰僕射維舟之夕與伊留約
七載是期逾時不至乃絕食而殞韋聞之悽歎
時祖山人有少翁之術但令府公齋戒七日清

夜王簫乃至謝曰承僕射寫經贈佛之力旬日
便當託生却後十二年再為侍妾以謝鴻恩後
韋終德宗之代理蜀不替遷中書令同平章事
東川盧八座送一歌姬未當破瓜之年亦以玉
簫為號觀之乃真姜氏之玉簫也中指有肉環
隱出不異留別之玉環云

韋臯鎮蜀嘗訓鸚鵡念佛鸚鵡斃以桑門故事茶
毘之得舍利為塔臯自為記略曰元精以五行

投萬類或炳耀離火或稟奇蒼精皆應人文次
若時致則有卓彼禽類習乎能言了空相于不
念留真骨千已斃者因歎息义之

陸暢

字達夫吳郡人韋皋雅
所厚禮韓愈有送暢序

陸暢初為江西王仲舒從事拂衣去後登蘭省遇
雲陽公主下降百僚舉暢為儔相詩皆頃刻而
成詠簾曰勞將素手捲蝦鬚瓊室流光更綴珠
玉漏報來過夜半。可堪潘岳立踟躕。詠行帳曰

碧玉為竿。丁字成。鴛鴦繡帶。短長馨。強遮天上。
花。顏色不隔雲中笑語聲。

陸暢又承詔作催粧五言。曰。雲陽公主貴出嫁。五
侯家。天母親調粉。日兄怜。賜花催鋪。百子帳。待
障七香車。借問粧成未。東方欲曉霞。內人以其
吳音捷才。以詩朝之。云。十二層樓倚翠空。鳳鸞
相對立梧桐。雙成走報監門衛。莫使吳歆入漢
宮。

或宋若蘭
曰姊妹作

陸酬曰。粉面仙郎選尚朝。偶逢秦

女學吹簫須教翡翠聞王母。不奈烏鳶噪鵲橋。
詩成傳播內外六宮大吟別。賜官錦榜伽鉶唾。
孟各一

天寶時李白為蜀道難以斥嚴武陸暢更為蜀道
易以美韋臯云蜀道易易於履平地臯大喜贈
羅八百尺臯薨朝廷欲繩其既往之事復聞先
進兵器上皆刻定秦二字不相与者欲摺成罪
名暢上䟽理之曰臣在蜀日見造兵器定秦者

匠名也由此得釋

陸暢初娶董溪女每旦婢進澡豆暢輒沃水服之
或曰君為貴門女婿幾多樂事暢曰貴門苦禮
法俾予食辣炒殆不可過

朱滔

朱滔拈兵不擇士族悉令赴軍自閱於毬場有士
子容止可觀進趨純雅滔問曰所業者何曰學
為詩曰有妻否曰有卽令作寄內詩援筆立成

曰握筆題詩易荷戈征戍難慣從鴛被暖怯向
鴈門寒瘦盡寬衣帶啼多清枕檀試留青黛著
回日畫眉看又令代妻作詩答曰蓬鬢荆釵世
所稀布裙猶是嫁時衣胡麻好種無人種合是
歸時底不歸迢遠以束帛放歸

李錡

杜秋娘金陵女也年十五為李錡妾嘗為錡唱詞
云勸君莫惜金縷衣勸君莫惜少年時花開堪

拆直須拆莫待無花空拆枝後沒入宮父之放
歸